

Nunaqavissut tikisitallu akornanni Namminersorlutik Oqartussani, Namminersorlutik Oqartussat suliffeqarfiutaanni kommuninilu sulisut qanoq agguatarsimanersut pillugu kisitsisinnngorlugu (statistisk) paasissutissamik Naalakkersuisut UPA2016-imi saqqummiusseqqullugit peqquneqarnissaannik Inatsisartut aalajangiiffigisassaatur siunnersuut. Nalunaajaanermi Kalaallit Nunaannut suliffissarsiortut killilersimaarnissaat pillugu Inatsisartut inatsisaat saqqummiussinermi aallaaviussaaq. (Inatsisartunut ilaasortaq Suka K. Frederiksen, Siumut)

Akissuteqaat

(Inuussutissarsiordermut, Suliffeqarnermut, Niuernermet Nunanullu Allanut Naalakkersuisoq)

Siullermeerneqarnera

Qujanaq aalajangiiffigisassatur siunnersuummut, Suka K. Frederiksen. Illit Naalakkersuisutulli maani nunatsinni ajornartorsiutitsinnut imminut assortuuttumut aamma assut soqutiginnippuit: Qaffasissumik suliffissaaleqisoqaratta, ilutigisaanillu nunanit allaniit, nunat avannerliit iluiniit aamma avataaniit sulisussatsinnik aallertarluta.

2013 aallartipparput nunanut allamiunut tunngasumik suliassaqarfimmik tamakkiisumik perrasaanerput. Taamani aallarniutigalugu nassuiaammik suliaqarpugut, tassanilu qulaajaavigaagut sulisussanik avataaneersunik sulisussarsiortarneq, aammalu allaffissornikkut aaqqissuussinigit suliassaqarfimmi qanoq aaqqissuuttariaqarnerigit, suliassaqarfiup angerlaannissaanut periarfissat qanoq ittuunersut, angerlaassinissamilu atugassatigit qanoq ittunik pisariaqartitsisoqarnerisooq, danskillu nunami allamiunut sullissinermi qullersaqarfiat – Udlændingestyrelsen – qanimut suleqatigalugu aallartilluta, tamannalu pingaartorujussuuvooq, nunani allamiunut tunngasumik suliassaqarfik suli angerlaassimatinnagu.

Taamanimiillu suliassaqarfik taanna nakkutiginiarlugu annertuunik suliniuteqarpugut, ilaatigit qaammatit pingasukkaartumik kisitsisinik paasissutissanik saqqummiussisarnikkut, Udlændingestyrelsimiit paasissutissanik piniartarnikkut aammalu siumoortumik ilisimatitsissutigineqanngitsumik nununarput tamakkerlugu nunami allamiunik sulisoqarnermik nakkutiilluni suliffeqarfinnut angalaartarnertigit.

Sapaatip akunnerinilu ukunani Nunani allamiunik sulisoqarneq pillugu nassuiaasiaq 2013-imeersooq peqqissaartumik ullutsinnut malinnaatinniarlugu sularineqarpoq. Suliassaqarfimmimi tassani 2013-imiilli assut pisoqarsimavoq, ullumikkullu sooq aamma suminngaaniit nunani allamiunik sulisussarsiortarnerput pillugu ilisimasaqarnerujussuuvugut. Assorsuaq soqutiginnassaaq misissuataassallugu sulisut najugaqavissut aamma tikisitat amerlassusiaat, Namminersorlutik Oqartussani, Namminersorlutik Oqartussat ingerlatseqatigiiffiutaanni aamma kommunini, taamaattumik suliassaq taanna Naalakkersuisut ingerlatseqqissavaat atorfilittatsinnut suliamik tamatuminnaga suliaqartunut.

Siuliani oqaatigineqareersut tunngavigalugit Naalakkersuisut aalaangiiffigisassatut siunnersuut ilalernerqarnissaa inassutigissavaat.